

JAVNI POZIV ZA UKLJUČENJE U PROGRAM OBUKE I
INKUBACIJE U OBLASTI ŽENSKOG ZELENOG I ODRŽIVOG
PODUZETNIŠTVA:

BiHUB III


[Centar za Obrazovanje i Druženje Jajce](#) (Biznis Centar Jajce) sa partnerima poziva sve zainteresirane ženske osobe sa zelenom i održivom poslovnom idejom, kao i postojeća mlada poduzeća da prijave svoje poduzetničke ideje za **učešće u besplatnom programu obuke i poslovnom inkubatoru.**

O programu:

Nudimo besplatan program obuke i inkubacije te mentorstvo i coaching za buduće poduzetnice koje imaju zelenu poslovnu ideju u oblastima kao što su turizam, prehrambena industrija, ekologija i zaštita voda, IT, itd. Tražimo ideje koje imaju potencijal za razvoj zelenih poslovnih modela, koji bi uključivali zelene i održive poslovne pristupe i promicali cirkularnu ekonomiju.

U okviru programa obuke, koji će **trajati od 12. 10. – 27. 11. 2026. godine**, odabrane učesnice će dobiti potrebna znanja i informacije te smjernice za razvoj i realizaciju vlastitih poslovnih ideja, i to kroz **intenzivne radionice na sljedeće teme:**

1. **Uvod u zeleno i održivo poduzetništvo: Razvoj poslovne ideje, poduzetnički *mindset* i liderstvo**
2. **Razvoj proizvoda/usluge**
3. **Prilike u zelenom gospodarstvu**
4. **Zeleni i cirkularni poslovni modeli**
5. **Marketing i prodaja**
6. **Digitalne vještine i AI**
7. **Pravni i administrativni okvir poduzetništva u BiH**
8. **Računovodstvo i finansije**
9. **Poslovni plan i *pitch***
10. **Individualni sati mentorstva i *coachinga* te grupni *coaching***



Po završetku obuke, početkom decembra 2026. godine, s partnerima ćemo organizirati **izbor najboljih zelenih i održivih poslovnih ideja u Jajcu, Livnu, Travniku i Zenici**. Učesnice će predstaviti razvijene poslovne ideje stručnoj komisiji. Na lokalnom nivou biti će **odabrane 4 poslovne ideje za daljnji razvoj i inkubatorski program**. Odabrane ideje će, pored mentorstva, savjetovanja i *coachinga*, primiti **novčani poticaj u visini 5.000,00 EUR** za realizaciju.

Ostale aktivnosti podrške:

- **Umreževanje – networking poduzetnica**
- **Promocija uspješnih priča poduzetnica**
- **Članstvo u alumni klubu BiHUB**
- **BiHUB kamp zelenog poduzetništva**
- **Dodatne edukacije**
- **Javni događaji i poduzetničke konferencije**

Za program obuke mogu aplicirati:

- ✓ Kandidatkinje starije od 18 godina, s područja općine Jajce i okolnih općina, koje imaju inovativne zelene i održive ideje bazirane na znanju i žele pokrenuti vlastiti biznis.
- ✓ Timovi pod vodstvom ženskih osoba, ali ne isključivo, koji imaju inovativne zelene i održive ideje bazirane na znanju i žele pokrenuti vlastiti biznis.
- ✓ Start-upovi odnosno mlada poduzeća, obrti ili porodična gospodarstva pod vodstvom ženskih osoba, ali ne isključivo, koja se nalaze u početnoj fazi poslovanja (do 3. godine starosti na dan objave ovog javnog poziva).
- ✓ Poduzeća, obrti ili porodična gospodarstva koja žele osnovati spin-off poduzeće u svrhu širenja poslovnih odnosa i aktivnog učešća u razmjeni tehnologija, iskustva i znanja, koja su pod vodstvom ženskih osoba, ali ne isključivo.

Projekt sofinancira Ministarstvo za zunanje in evropske zadeve Republike Slovenije.
Projekat sufinansira Ministarstvo vanjskih i evropskih poslova Republike Slovenije.



Za program obuke NE mogu aplicirati:

- Članovi komisije za procjenu poslovnih ideja,
- Zaposleni u organizaciji partnera projekta BIHUB III,
- Osobe sa kriminalnim dosjeom,
- Političke stranke,
- Javna poduzeća i javne institucije,
- Poduzeća u stečaju.

Poslovne ideje trebaju biti:

- **Inovativne**
- **Zelene i održive**
- **Društveno odgovorne**
- **Bazirane na znanju**
- **Realistične i ciljno orijentirane**
- **Imati potencijal za daljnji rast i razvoj novih radnih mjesta**
- **Ekonomski održive**

PROCES ODABIRA POSLOVNIH IDEJA

1. korak: Podnošenje prijavnog obrasca

Javni poziv je otvoren od 11. 09. do 02. 10. 2026. godine. Kandidatkinja mora ispuniti prijavni obrazac i priložiti svu zahtijevanu dokumentaciju (vidi "Potrebna dokumentacija") najkasnije do **02. 10. 2026. godine do 23:59 sati.**

Kandidatkinja ima pravo aplicirati sa više poslovnih ideja. U tom slučaju se svaka prijava razmatra odvojeno, zato mora za svaku od predloženih ideja ispuniti obrazac te ga dostaviti odvojeno.

Projekt sofinancira Ministarstvo za zunanje in evropske zadeve Republike Slovenije.
Projekat sufinansira Ministarstvo vanjskih i evropskih poslova Republike Slovenije.

2. korak: Preliminarna procjena poslovnih ideja

Komisija za procjenu poslovnih ideja (u nastavku: Komisija) će procijeniti sve prijave u roku pet dana od roka za podošenje prijava. Poslovne ideje će se procjenjivati na temelju sljedećih kriterija:

- Administrativno-tehnička potpunost prijavnog obrasca;
- Potpunost i valjanost zahtijevane popratne dokumentacije;
- Konceptualno-sadržajna usklađenost poslovne ideje sa prijedlogom javnog poziva (inovativnost, održivost, društvena odgovornost, baziranost na znanju, ciljna usmjerenost, razvojni potencijal).

Komisija ima pravo zatražiti dodatna obrazloženja i dopune te pozvati kandidatkinje da predstave podnesene ideje pred Komisijom.

3. korak: Unaprjeđenje poslovne ideje – uključenje u program obuke

Ako prijava zadovolji kriterije preliminarne procjene, kandidakinja će biti uključena u program obuke i dobiti će priliku unaprjeđenja i razvoja ideje uz profesionalnu pomoć mentora i trenera te obrazovnih sadržaja programa BiHUB.

4. korak: Konačna procjena poslovne ideje

Nakon završenog programa obuke, mentorstva i individualnog savjetovanja kandidatkinje će biti pozvane na finalnu prezentaciju. Cilj prezentacije je upoznati članove Komisije s unaprjeđenim idejama, vašim poduzetničkim osobinama i kompetencijama te planovima i očekivanjima vezanim za realizaciju poslovnih ideja.

Na osnovu predstavljenih poslovnih ideja, uzimajući u obzir i profesionalno mišljenje mentora, Komisija će donijeti konačnu odluku te odabrati 4 poslovne ideje / kandidatkinje, koje će biti uključene u inkubatorski program, gdje će nastaviti s radom i realizacijom, te primiti finansijsku podršku.

Projekt sofinancira Ministarstvo za zunanje in evropske zadeve Republike Slovenije.
Projekat sufinansira Ministarstvo vanjskih i evropskih poslova Republike Slovenije.

POSTUPAK PRIJAVE I KONTAKTNE INFORMACIJE

Rok za podnošenje prijave je do 02. 10. 2026. godine do 23:59 sati.

Prijavni obrazac mora biti ispunjen na jednom od službenih jezika Bosne i Hercegovine te prijava podnesena na jedan od sljedećih načina:

- **Elektronski:** putem e-maila biznis.centar@codjajce.com te mirna.buic@pina.si. U ovom slučaju, pored skeniranog potpisanog obrasca, potrebno je priložiti i nepotpisanu verziju Word dokumenta.
- **Putem pošte:** preporučeno/s upisanim datumom najkasnije 02. 10. 2026. g. (do 23:59h) te s naznakom na koverti “PRIJAVA NA JAVNI POZIV BIHUB”, na adresu: Biznis Centar Jajce, (n/r Šehzija Hozan Drek), Ul. Nikole Šopa bb, (I sprat Općina Jajce) 70101 Jajce, Bosna i Hercegovina.
- **Osobno:** dostaviti na sjedište Biznis Centar Jajce, Ul. Nikole Šopa bb, (I sprat zgrada Općine Jajce) u okviru radnog vremena.


Potrebna dokumentacija

- ✓ Popunjen prijavni obrazac
- ✓ CV kandidatkinje u skladu sa standardima Europass (u slučaju tima: CV za svaku/svakog članicu/člana)
- ✓ Vlastita izjava da kandidatkinja nije kažnjavana te da se protiv nje ne vodi krivični postupak
- ✓ Potvrda registracija poduzeća (u slučaju već postojećeg poduzeća)

Uz obaveznu dokumentaciju, kandidatkinje imaju mogućnost priložiti i dodatnu neobaveznu dokumentaciju, ukoliko smatraju da bi ta mogla doprinijeti ka boljoj procjeni poslovne ideje (npr. članci, publikacije ili drugi relevantni dokumenti, informacije ili referencije).

Svi dostavljeni dokumenti i informacije su povjerljive i biti će korištene isključivo u svrhu ocjenjivanja ideje i donošenja odluke.

Projekt sofinancira Ministarstvo za vanjske in evropske zadeve Republike Slovenije.
Projekat sufinansira Ministarstvo vanjskih i evropskih poslova Republike Slovenije.



U slučaju pitanja ili potrebe za dodatnim informacijama kontaktirajte nas na:

- **Kulturno izobraževalno društvo PiNA**
- Gortanov trg 15, 6000 Koper, Slovenija
- E-mail: mirna.buic@pina.si
- Tel.: +386 5 6300 320
- www.bihhub.org, www.pina.si

ili

- **Centar za Obrazovanje i Druženje Jajce**
- Ul. Sv. Luke bb, 70101 Jajce, Bosna i Hercegovina
- E-mail: biznis.centar@codjajce.com
- Tel.: +387 61 447 839
- www.codjajce.com

Projekt sofinancira Ministrstvo za zunanje in evropske zadeve Republike Slovenije.
Projekat sufinansira Ministarstvo vanjskih i evropskih poslova Republike Slovenije.



O projektu BiHUB III:

Program obuke i inkubacije se odvija u okviru projekta [BiHUB III – Podrška i razvoj ženskog zelenog i održivog poduzetništva u Bosni i Hercegovini](#), pod vodstvom slovenske nevladine organizacije [PiNA](#) te uz finansijsku podršku [Ministarstva vanjskih i europskih poslova Republike Slovenije](#) iz [Programa međunarodne razvojne saradnje i humanitarne pomoći Slovenije](#).

Glavni cilj projekta BiHUB III je doprinos rješavanju problema ekonomske rodne nejednakosti i zaštite okoliša, i to kroz razvoj ženskog zelenog i održivog poduzetništva. Projektom želimo osnažiti žene u BiH za ulazak u svijet poduzetništva i realizaciju zelenih i održivih poslovnih ideja, kao i za organiziranje in (samo)zastupanje poduzetnica, te osigurati uključenost žena u procese donošenja odluka.

Projektom će se nadograditi rad inkubatora u Jajcu, Livnu, Travniku i Zenici. Osnažit će više od 400 žena kroz program obuke, inkubacijski program podrške, akceleratori program, akademiju za poduzetne mlade, BiHUB kamp za poduzetnice, alumni klub BiHUB, nadogradnju i podršku ženskih poduzetničkih mreža, te provođenje konferencija i drugih događaja u okviru projekta. Žene će biti osnažene za implementaciju zelenog i održivog poduzetništva, koje predstavlja važan doprinos zaštiti okoliša, zelenoj tranziciji i održivom poduzetništvu i razvoju u Bosni i Hercegovini.

Partneri projekta su: Kulturno izobraževalno društvo PiNA, Centar za Obrazovanje i Druženje Jajce, Zaklada Linnovate, Centar za edukaciju mladih Travnik, Regionalna ekonomska zajednica – REZ d.o.o., Inkubator Savinjske regije, d.o.o. i Katapult, družba za spodbujanje podjetništva, d.o.o.

Projekt sofinancira Ministarstvo za zunanje in evropske zadeve Republike Slovenije.
Projekat sufinansira Ministarstvo vanjskih i evropskih poslova Republike Slovenije.